

Բորոգինայի գլխաւորութեամբ: Գաղտնիք չէ, որ Խորհրդային իշխանութեան գործակալները հազար ու մի դաւեր են լարում պարսից կառավարութեան դէմ եւ մասնաւորապէս ջանում նրա դէմ լարել պարսկական քրդերին:

Այսօրինակ գլխաւորութեան «գաղտնիքներ» չատ կան, որոնք այլեւս հանրութեան սեփականութիւն են կազմում եւ սրանց չնորհիւ բոլշեւիկները միջազգային յարաբերութիւնների մէջ ժանտախտի հռչակ են ստացել:

Բոլշեւիկներն իրենք էլ գրում են, որ այս որակման մէջ ճշմարտութեան մեծ տարր կայ. դրա համար էլ, չնայած իրենց հանրաժանօթ յանդիմանութեանը, այլեւս ձայն ու ծպտուն չեն հանում գաղտնի գլխաւորութեան մասին: Հոկտեմբերեան յեղաշրջման օրերի նշանաբաններից մի քանիսը նրանք, ի պահանջել հարկին, գեո եւս երբեմն—երբեմն յիշատակում են. բայց այս մէկը՝ երբեք:

Ըստ երեւոյթին, խօսքի եւ գործի հակասութիւնը մի սահման ունի, որից այն կողմը նա ամօթ է պատճառում նոյնիսկ բոլշեւիկին...

* * *

Արտաքին պարտքերի վերաբերեալ Հոկտեմբերեան նշանաբանը համեմատաբար նըպաստաւոր վիճակ ունի բոլշեւիկների համար: Այդ նշանաբանը նրանք գեո եւս միաձայնութեամբ վարկաբեկուած, տապալուած չեն նըկատում, ինչպէս նախորդները, այլ նրա շուրջը վիճում են իրար հետ: Եւ, ինչպէս բոլշեւիկեան բոլոր վէճերի դէպքում, այս դէպքում եւս սուտն ու կեղծիքն անպակաս են: —

Առաջին սուտն այն է, որ բոլշեւիկները պարտքերի խնդրում նահանջի ճանապարհ բանալու համար ասում են, թէ հոկտեմբերեան յեղաշրջման օրերին իրենք աշխատաւոր զանգուածների առաջ յանձնառու են եղել մերժելու միայն պատերազմի կարիքներին յատկացուած արտաքին պարտքերը, եւ ոչ թէ առհասարակ այն բոլոր պարտքերը, որ արուել են ցարական կառավարութեան օրօք: Մինչդեռ ակնյայտնի իրողութիւն է, որ բոլշեւիկները այդ օրերին վճռականապէս մերժում էին առհասարակ ցարական կառավարութեան բոլոր պարտքերը եւ եթէ փոքր ինչ տատանում էին՝ այդ էլ միմի-

այն համայնական հաստատութիւնների կնքած փոխառութիւնների նկատմամբ էր:

Երկրորդ սուտն էլ այն է, որ նրանք հաւատացնում են, չգիտենք ո՛ւմ, թէ Խորհրդային իշխանութիւնը պարտքերի վճարման խնդրում իր սկզբունքից չէ հրաժարուել: Այսպէս են պատասխանում ստալինականները ընդգիծադիւրների այն մեղադրանքին, թէ օրուան դիկտատորները արտաքին պարտքերը ճանաչելու ուղին են թեւակոխել: Իսկ որ այս պատասխանը սուտ է, այդ մասին կասկած չի կարող ունենալ նա, ով հետեւել է այն բանակցութիւններին, որ վարում էր Խորհրդային դեսպան Ռաիովսկին Փրանսական կառավարութեան ներկայացուցիչների հետ:

Համաձայն այն յուշագրի, որ Ռաիովսկին ներկայացրեց Փրանսական բանադնացիների նախագահ զը Մոնգիլի—ին անցեալ սեպտեմբերին՝ բոլշեւիկները ընդունել են նախապատեւադմական պարտքերը վճարելու սկզբունքը: Սակայն որովհետեւ նրանք ի վիճակի չեն դրամ մէջտեղ հանելու՝ պարտաւորութիւն են ըստանձնում տարեկան 60 միլիոն ոսկի Փրանկի վճարումով հանգցնել այդ պարտքերը: Սրա համար նրանք խնդրում էին միայն 120 միլիոն տոլարի նոր փոխառութիւն, որը պէտք է գործադրուէր առաջին հինգ տարուան վճարումները կատարելու եւ Խորհրդային արդիւնաբերութեան համար Փրանսայում մեքենաներ կամ գործիքներ գնելու նպատակով: Այս յուշագրին յաջորդած պաշտօնական զրադրութիւններից պարզուած է, որ պարտքերի վճարման եղանակի մասին կողմերի միջեւ կատարեալ համաձայնութիւն է կայացած եղել եւ խնդիրը մնացել է առկա ի վիճակի մէջ միայն այն պատճառով, որ Փրանսացիք հրաժարուած էին 120 միլիոն տոլարի փոխառութիւն անել Խորհրդային իշխանութեանը:

Մեզ կարող են առարկել, թէ Ռաիովսկիի առաջարկները ոչ այլ ինչ էին, բայց եթէ սովորական բոլշեւիկեան խաղեր, որոնց նպատակն էր հին պարտքերի վճարման խայծով նոր դրամ պոկել Փրանսայից, որպէսզի վերջինս չկարողանայ դիւրութեամբ խզել իր գլխաւորութեան յարաբերութիւնները Խորհրդային իշխանութեան հետ, ինչպէս այդ արաւ,